



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
Վ Ա Յ Ո Ց Ձ Ո Ր Ի
Մ Ա Ր Ձ Պ Ե Տ**

ք.Եղեգնաձոր, Շահումյան 5

Հեռ. /374010/ 287401, 2 25 22

<<_19_>>__01__2017թ.

N _____

Ֆաքս /374010/ 28 18 32

<<Հետք>> ԹԵՐԹԻ ԳԼԽԱՎՈՐ ԽՄԲԱԳԻՐ

ՊԱՐՈՆ Է. ԲԱՂԴԱՍԱՐՅԱՆԻՆ

Հարգելի պարոն Բաղդասարյան

Ի պատասխան Ձեր 14.01.2016 թվականի ՀԲ-16-12/04 գրության, տեղեկացնում ենք՝

1. ՀՀ Վայոց ձորի մարզպետարանը, որպես պատվիրատու, մշտապես հետևել է մարզի հանրակրթական դպրոցներում կատարվող շինարարական աշխատանքների ընթացքին: ՀՀ Վայոց ձորի մարզի դպրոցներում կատարված շինվերանորոգման աշխատանքների ավարտից հետո, սահմանված կարգով կազմվել է ընդունման հանձնման ավարտական ԱԿՏ-եր, որոնք ստորագրվել են ընդունող հանձնաժողովների կողմից:

Ավարտից հետո մեկ տարվա ընթացքում հայտնաբերված բոլոր թերությունները վերացվել են շինարարական կազմակերպությունների կողմից, իսկ մեկից մինչև երեք տարիների ընթացքում շինարարների կողմից վերացվել են այն թերությունները, որոնց առաջացման պատճառը կապված է եղել շինարարական աշխատանքների հետ: Վերը նշված ժամանակահատվածներում հայտնաբերված թերությունները ամբողջապես վերացվել են:

2. Տեղեկացնում ենք, որ ՀՀ Վայոց ձորի մարզպետարանում քննարկվել է ՀՀ Վայոց ձորի մարզի դպրոցների վերաբերյալ 23.07.2016 թվականի <<Հետքի>> հրապարակումը: Հայտնում ենք, որ Ձեր կողմից նշված դպրոցներում հիմնանորոգումներ չեն իրականացվել, այլ կատարվել են փուլային վերանորոգումներ, որտեղ առաջնահերթությունը տրվել է դպրոցական շենքերը արտաքին միջավայրից կտրելուն՝ փոխվել են պատուհանները (անհրաժեշտության դեպքում փոքրացվել են

չափսերը), վերակառուցվել են տանիքները (ալիքավոր հերձաթերթերը փոխարինվել են ցինկաթիթեղով), կառուցվել են շենքերի կողային սալվածքները, կատարվել են սանհանգույցների նորոգում, իրականացվել են կոսմետիկ ներքին հարդարման աշխատանքներ և վերակառուցվել են ջեռուցման համակարգերը: Նշենք, որ պարբերաբար ուսումնասիրվել է մարզի բոլոր դպրոցների տեխնիկական վիճակը, այդ թվում նաև Ձեր կողմից մատնանշված դպրոցները: Պարզվել է, որ դպրոցական շենքերի առաջին հարկերում առկա է խոնավություն, բորբոսած պատեր, որոնք արդյունք են գերխոնավ գրունտների առկայության, տանիքներից արտաքին սալվածքների վրա անձրևաջրերի ազատ հոսքի: Ավելացնենք, որ ձմռան ամիսներին դպրոցական շենքերն ամբողջապես չեն ջեռուցվում (միայն դասարաններն են ջեռուցվում, այն էլ դասաժամերի ընթացքում), ուստի ջերմաստիճանի խիստ տատանման հետևանքով շինության ներսում առաջանում է խոնավ միջավայր, որն էլ նպաստում է ներքին հարդարման վատթարացմանը և փչացմանը:

3. ՀՀ կառավարության 2015 թվականի դեկտեմբերի 3-ի «ՀՀ պետական հանրակրթական դպրոցների սեյսմիկ անվտանգության բարելավման 2015-2030 թվականների ծրագրից բխող 2015-2020 թվականների միջոցառումների ծրագիրը հաստատելու մասին N 1426-Ն որոշմամբ նախատեսված գործընթացը ավարտվել է SSIIP (սեյսմիկ անվտանգության բարելավման) ծրագրով Ասիական զարգացման բանկի ֆինանսավորմամբ Եղեգնաձոր քաղաքի թիվ 1 միջնակարգ դպրոցի նոր շենքի նախագծման աշխատանքները և եղանակային բարենպաստ պայմանների դեպքում կսկսվի շինարարության իրականացման աշխատանքները, որը կտեվի 2 տարի:

Միաժամանակ տեղեկացնում ենք, որ Եղեգնաձոր քաղաքի թիվ 1 միջնակարգ դպրոցի գոյություն ունեցող շենքը չի քանդվի և կպահպանվի այլ նպատակների օգտագործման համար:

Հարգանքով՝



Հ. ՍԱՐԳՍՅԱՆ